

HIPOCRECIA DI MARCA MAYOR NA TELEARUBA

ORANJESTAD(AAN) Ayera Tele Aruba su empleadonan manera Glenda y un tal Jerney cu ta presenta noticia merdia y anochi, a haya cu tabata necesario pa bay lanza critica riba DIARIO, pero sin menciona number siendo cu tur hende cu por a wak television, por a ripara cu ta pa DIARIO nan tabata tira lodo.

Glenda y Jerney si boso tabata tin asina hopi curashi pa muestra e fronta page di DIARIO y kizas riba orden di esnan scondi den studio, pakico boso no por a mencionacion cu ta DIARIO boso tabata critica.

E foto o fotonan cu nan a grita asina tanto cu DIARIO a uza di nan imagennan, a ser uza segun Glenda y Jerney y demas hipocritanan den Tele Aruba, sin cu a duna Tele Aruba credito pa nan trabao!!!

Sin duna Tele Aruba credito pa nan trabao?!!!!

Si tin un medio di comunicacion na Aruba cu a defende masha hopi mes empleadonan di Tele aruba y e planta riba mes y duna nan credito na diferente ocasion, anto ayera nan ta lubida pa un simpel foto kico DIARIO a haci pa nan?

Pa un simpel foto o fotonan bo ta core hinca bo mes den actonan di hipocrecia y actitud baho, pa asina satisfase sed di venganza di cierto hendenan den Tele Aruba?

Wel shonnan esaki ta hipocrecia di marca mayor pasobra ora cu bo ta bay critica publicamente cu otro a haci uzo di bo material sin cu nan a duna bo credito pa tal o cu no a pidi permit pa haci uzo di bo material y bo mes ta depende pa un gran parti di esun cu bo a critica, bo mes ta pone cu ora cu bo grawata bo ta haya coy hole.

Pa aclarea henter e asunto aki, Redaccion di DIARIO kier remarca cu ora cu DIARIO a yama Tele Aruba pa asina haya cooperacion pa cu e caso di e criminal cu a yega Aruba, ta un di e reporteronan di Tele Aruba mes a duna OK pa haci uzo di material di Tele Aruba.

Den e trabao di prensa bo no por ta 24 ora tur caminda pa asina haya tur loke ta pasando y esaki sigur ta conta pa Tele Aruba, cu su hendenan ta depende pa un gran parti di DIARIO, pa asina nan haya informacion, yudanza y co-

operacion.

Pa basta tempo caba tin un bon cooperacion cu esnan cu ta yama nan mes periodista na Tele Aruba pasobra ta tras di otro pa e ultimo añanan cu a pasa, empleadonan di Tele Aruba tabata pidi ayudo di DIARIO, pa asina televiden-tenan na Aruba tambe via Tele Aruba por haya cierto noticianan cu normalmente ta sali den DIARIO so.

Pa DIARIO ningun canal di television ta un competencia pasobra ta un matutino nos ta y e fruto grandi di nos trabao ta bisto den pueblo cu e cantidad di corant cu nos ta bende tur dia y e respet y confianza grandi cu pueblo tin pa DIARIO.

Pa Tele Aruba nos por bisa cu nan no merece ni respet y menos confianza pasobra loke nan a haci ayera despues di a duna OK na DIARIO pa haci uzo di nan material, pa despues kere cu publicamente bo ta bay dal un puñal den lomba pa asina aparentemente duna credito na un otro matutino, bo ta cualifica bo mes na e nivel di ta hipocrita y di mala fe.

Glenda aparentemente tin un teyma cu DIARIO y e otroscondi tras di cortina cu peñado di palabruha tambe y nan ta lubida cu ora cu bo hinca bo mes den neishi haraña bo ta sali yen di pica.

Ora cu Glenda y Jerney tabata yora ayera cu DIARIO no a duna nan credito pa e material cu DIARIO a uza pa colmo cu un OK grandi di Tele Aruba, nan ta lubida cu tur e biahnan cu nan a haci uzo di DIARIO pa nan por a trece noticia pa pueblo, tambe nunca nan a duna DIARIO e credito cu nan mes tabata yora pe ayera.

Glenda, DIARIO no mester di credito di Tele Aruba y menos di bo persona y e otro nan cu ta sconde tras di cortina di studio.

Ora cu boso ta papia di credito anto Glenda, Christina, Jerney, Colochi, Dino, Demetrio, Ivo, Mary etc etc, laga nos refresca boso memoria un tiki pa asina pueblo haya sa di e credito cu boso tabata yora asina tanto pe ayera.

Glenda pa cuminsa e cam-eraman cu tabata cu bo na

warda di polis y ta cuanto biaha e no mester a pidi fotografonan di DIARIO rol di film pasobra e no tabata tin?

Tempo cu extradicion tabata topico di noticia na Aruba, ta na unda Tele Aruba a busca informacion di e materia complica y dificil aki? No ta na DIARIO boso a bin yora pa haya splicacion?!

No ta for di redactor di DIARIO cu ta cubri casonan di Corte, cada biaha boso ta bay busca informacion pasobra boso mes mayoria biaha no ta den Corte y si boso tey mes boso ta compronde kico nan ta bisa den Corte pasobra asina mes boso no tabata haci mil y un pregunta?

Dia cu auto a dal un ciclista mata Pariba di Savanetakamp, ta cu auto di ken e camaragrafo di Tele Aruba a ser hiba cu urgencia grandi? Ta cu auto di redactor di DIARIO y e tempo ey boso a duna credito na DIARIO o na e redactor?

Esaki pa nos no tabata necesario pasobra ta yuda nos a kere cu nos tabata yuda un otro colega, pero awor Tele Aruba a muestra su cara berdadero di culebra.

Glenda bo no a menciona ayera cuanto biaha boso hendenan mester pidi fotografonan y reporteronan di DIARIO anochi laat na lugarnan di accident, pa papel y

pen pasobra boso hendenan a yega laat y no tabata prepara cu ni un pen o pida papel?

Manera cu empleadonan di Tele Aruba tende un sirena riba caya, ta ken nan ta core yama pa asina haya sa ta kico ta pasando riba caya?

Ora cu algo pasa anochi laat hendenan di DIARIO basa riba e bon cooperacion cu nos a kere cu Tele Aruba tabata tin cu DIARIO, tabata page camarografonan y reporteronan di Tele Aruba pa asina Glenda tabata tin algo pa pasa den su noticia y tur dia bo tabata duna credito na DIARIO?!!

Asina tin hopi mas ehempel di casonan cu Tele Aruba a haci uzo di material y ayudo di DIARIO sin duna credito na DIARIO, pero nan si kier a bay yora ayera anochi.

Glenda, Jerney, Christina, Ivo, Colochi, Dino, Demetrio, Tito, Leo, Robert, Mary, Adeline pa un par di foto boso a caba cu un cooperacion cu Tele Aruba mes tabata depende na grandi di dje.

E lista di credito cu Tele Aruba nunca a duna na otro ta hopi largo y e asunto aki no a caba ainda pasobra tin asun-tonan manera auto den gre-pel, auto cu a bolter na mas cu un ocasion etc etc cu tambe ta na caminda y debi cu boso a grawata boso lo haya di holer te bula!!!

LAGA E HOMBER TRAHA!!

